



**Enchiridion Piarvm Meditationvm In Omnes Dominicas,
Sanctorvm Festa, Christi passionem, & cætera**

Busaeus, Johannes

Mogvntiæ, M. DCVI.

2. In festo Epiphaniae, de tribus Magis Matt. 2.

[urn:nbn:de:hbz:466:1-70978](#)

4 MEDITATIONES IN
IN FESTO EPIPHANIAE.
De tribus Magis Regibus, Matth. 2.

1. TRES Magi Reges ad puerum Iesum adorandum venerunt, stellæ duce; ita attestantes. (Vidimus enim stellam eius in Oriente, & venimus adorare eum.) Considera primò sumмiam caritatem pueri Iesu, qui omnes homines vocat ad salutem è vicino quidem infimos pastores per nuncium angelum; è longinquo diuites & nobiles per indicium stellæ, illos ex Iudæis, hos ex gentibus, & quemq; per congrua media, ut Magos peritos astrologiæ per stellam. 2. obedientiam magorum qui ad tam paruum indicium credunt, & constanter etiam in urbe Hierosolyma coram Herode audent querere, ubi sit rex Iudæorum natus? Vide quanto gaudio iter peragant, quantas gratias Deo agant. Expende, an tu inspiratio ni diuinæ tam cito pareas.

2. Procidentes adorauerunt eum, & apertis thesauris suis obtulerunt ei munera, aurum, thus, & myrrham. Considera primò, Magos supplices in terra prostratos prius adorare Christum, & deinde offerre munera: prius offere se ipsos corpus & anima puro lete.

DOMIN. TOTIVS ANNI.

ro Iesu. quod munus longe fuit gratissimū.
Sic olim Deus p̄imum respexit ab Abel, *Genes.*
deinde ad munera eius. Et tu quoque prius ^{4.}
offer Deo cōr & voluntatem tuam, dein-
de verò operum bonorū fructus. 2. offer-
re aurum Christo, vt regi, thus vt Deo, myr-
rhām vt homini mortali. Et tu tria offer
Iesu, aurum caritatis, super omnia eum di-
ligendo; thus deuotionis, omnia ad gloriā
eius faciendo; & myrrham mortificatio-
nis, passiones & cupiditates frēnando. Re-
ligiosus si sis, offer aurum, per votum pau-
pertatis, omnem proprietatem refugiēn-
do: thus per castitatem, corpus Deo con-
secrando: & myrrham per obedientiæ vo-
tum, voluntatem subiiciendo voluntati
superioris. 3. considera, quanta consola-
tione puer Iesus reges data benedictione,
porrectis ad osculum manibus & pedibus
dimiserit. Quantoque gaudio B. Virgo &
Ioseph exultarunt.

Rosponso accepto in somnis, ne redirent ad 3.
Herodem, per aliam viam reuersi sunt in re-
gionem suam. Considera Magos quia tam li-
berales in Christum fuere, (totes se cum
thesauris suis offerendo, nihilq; de fide, ob-
vilitatem & paupertatem parentum, de-
trahendo,) noua gratia per miraculū or-

A 3 nari,

MEDITATIONES IN

nati, ne redeant ad Herodem, id est, ne
malorum consuetudine damnum capiant:
vt discas quando tul heraliter te, tuaque
obtuleris Deo, Deum vicissim te non dere-
lictum, nec passurum ut mundi societa-
tem requiras in maligno positi, sed potius
facturum, ut per aliam viam mundo con-
trariam, id est, paupertatis, contemptus
tui, & mortificationis ac crucis tendas in
regionem tuam, id est, paradisum cœle-
stem, vnde omnes exulamus.

DOMINICA I. POST

EPIPHANIAM.

*De ascensu Christi in templum
anno duodecimo. Luc. 2.*

I. NATVS IESVS annos 12. è Nazareth
profectus est Hierosolymam. Considera
quanta deuotione B. Virgo cum Iesu & lo-
seph quotannis iuerit Hierosolymam ad
celebrandum Pascha, cum fæminæ ad id
nō tererentur, minus puer Iesus. vt discas
multa facere, ad quæ non teneris, & libeter
loca sancta precandi causa, licet remota, a-
dire. Secundo cogitate videre puerū Iesū iū-
tis manibus, & post eum B. Virg. & Iose-
phū ardenter & multis horis orates. O utinā
ex illo feruētiū precū igne tua scintillula

incī-

